


重刻通典



| | | | | |
|---|---|---|---|---|
| | | | 五 | 漢 |
| | | | 一 | 書 |
| | | | 六 | 門 |
| 四 | 八 | 九 | 〇 | |
| 冊 | 架 | 函 | 號 | 類 |

| | | | | |
|---|---|---|---|---|
| | | | 五 | 漢 |
| | | | 一 | 書 |
| | | | 六 | 門 |
| 元 | 三 | 四 | 八 | |
| 函 | 架 | 冊 | 號 | 類 |

| | |
|------|---------|
| 內閣文庫 | |
| 番號 | 漢 5160 |
| 冊數 | 48(45) |
| 函號 | 293 124 |

四十五

百廿五冊百廿七



通典卷第一百八十五

唐京兆杜佑君卿纂

邊防

覆載之內日月所臨華夏居士中生物受氣正李淳風云談天



者八家其三家甘氏石氏渾天之類以度數推之則華夏居天地之中也又歷代史倭國一名日本在中國直東扶桑國復在倭國之東約去中國三萬里蓋近於日出處貞觀中骨利幹國獻馬使云其國在京師西北二萬餘里夜短晝長從天色暝時煮羊髀纔熟而東方已曙蓋近於日入處今匡州直南水行便風十餘日到赤土國其國到五月亭午物影却在南一日三食飯皆旋炊不然遠巡過時即便臭敗熱氣特甚蓋去日較近其地漸遠轉寒蓋去日稍遠則洛陽洛城縣土圭居覆載之中明矣唯釋氏一家論天地日月恠誕不可知也
其人性而才惠其地產厚而類繁所以誕生聖賢繼

乾隆十二年校刊

通典卷一百八十五

邊防

一



施法教隨時拯弊因物利用三五以降代有其人君臣
長幼之序立五常十倫之教備孝慈生焉恩愛篤焉主
威張而下安權不分而法一人生人大貴實在於斯三代以前
天下列國更相征伐未嘗暫寧陪臣制諸侯諸侯陵天
子人斃鋒鏑月耗歲殲自秦氏罷侯置守兩漢及有隋
大唐戶口皆多於周室之前矣夫天生烝民而昔賢有
樹君司牧語治道者固當以既庶而安為本也
言曰失道而後德失德而後仁失仁而後義失義而後
禮誠謂削厚為薄散醇為醜又曰古者人至老死不相
往來不交不爭自求自足蓋疾時澆巧美往昔敦淳務
以激勵勉其慕向也然人之常情非今是古其朴質少
事信固可美而鄙風弊俗或亦有之緬惟古之中華多

類今之夷狄有居處巢穴焉

上古中華亦穴居野處後代聖人易之以宮室今室

韋國及黔中羈縻東諸夷及附國皆巢居有葬無封樹
穴處諸夷狄處巢穴者非少畧舉一二
焉上古中華之葬衣之以薪葬之中野不封不樹後代
聖王易之以棺槨今秣鞫國父母死棄之中野以哺
貂琉球國死無棺槨草裹尸以親土而葬上不起墳諸
夷狄之殯葬或以火焚或棄水中潭衡洲人蠶取死者
骨小兩子盛置山巖石間大抵習有手團食焉殷周之
俗既殊其法各異不可遍舉矣
人尚以手團食故禮記云共飯不澤手蓋弊俗有祭立
漸改仍未盡耳今五嶺以南人庶皆手團食
尸焉三代以前中華人祭必立尸自秦漢則廢按後魏
文成帝拓跋濬時高允獻書曰祭尸久廢今風俗
父母亡歿取其狀貌類者以為尸而祭焉宴好如夫妻
事之如父母敗損風化贖亂情禮又周隋蠻夷傳巴梁
間風俗每春秋祭祀鄉里有美鬢而人送迎為尸以祭
之今都道州人每祭祀迎同姓丈夫婦人伴神以享亦
為尸之聊陳一二不能遍舉夏商以前臣不諱君名子
遺法

乾隆十二年校刊

禮記卷之五 邊防

十一

今夷狄則皆無諱如此其地偏其氣梗不生聖哲莫革之類甚衆不可殫論舊風誥訓之所不可禮義之所不及外而不內踈而不戚來則禦之去則備之前代達識之士亦已言之詳矣歷代觀兵黷武討伐戎夷爰自嬴秦禍患代有始皇恃百勝之兵威既平六國終以事胡爲弊漢武資文景之積蓄務恢封畧天下危若綴旒王莽獲元始之全實志滅匈奴海內遂至潰叛隋煬帝承開皇之殷盛三駕遼左萬姓怨苦而亡夫持盈固難知足非易唯後漢光武深達理源建武三十年人康俗阜臧宮馬武請殄匈奴帝報曰捨近而圖遠勞而無功捨遠而謀近逸而有終

務廣地者荒務廣德者強有其有者安貪人有者殘自

是諸將莫敢復言兵事於戲持盈知足豈特治身之本

亦乃治國之要道歟宋文元嘉中此西漢文景分命諸將經略河南致拓跋瓜步之師

而國蹙身絀陳宣令主吳明徹侵呂梁二十萬卒悉爲周師所虜由是力殫財竭旋爲隋氏削平是皆昧持盈不能知

足故也我國家開元天寶之際宇內謐如邊將邀寵競

圖勲伐西陲青海之戍東北天門之師磧西怛邏之戰

雲南渡瀘之役沒於異域數十萬人天寶中哥舒翰尅吐蕃青海青海中

有島置二萬人戍之旋爲吐蕃所攻翰不能救而全沒安祿山討奚契丹於天門嶺十萬衆盡沒高仙芝伐石

國於怛邏斯川七萬衆盡沒楊國忠討蠻閣羅鳳十餘萬衆全沒向無幽寇內侮天下

四征未息離潰之勢豈可量耶前事之元龜足爲殷監

乾隆十二年校刊

邊防

者矣

第一東夷上

序略 朝鮮 濊 音穢 馬韓 辰韓 弁

辰 百濟 新羅 倭 夫餘 蝦夷

第二東夷下

高句麗 東沃沮 挹婁 勿吉 又曰靺鞨

扶桑 女國 文身 大漢 琉球 閩越

第三南蠻上

序略 槃瓠種 虞君種 板楯蠻 南平

蠻 東謝 西趙 牂牁 充州 獠 夜

附國 哀牢 焦僥 檀國 西爨 昆

彌 尾濮 木綿濮 文面濮 折腰濮

赤口濮 黑剌濮 松外諸蠻

第四南蠻下

嶺南序略 附蠻獠 海南序略 黃支 哥羅

林邑 扶南 頓遜 毗騫 干陀利

狼牙脩 婆利 槃槃 赤土 貞臘 羅

刹 投和 丹丹 邊斗 杜薄 薄刺

敦焚 火山 無論 婆登 烏篤 陀洹

訶陵 多笈 多摩長 哥羅舍分

第五西戎一

序略 羌無弋 湟中月氏胡 比 蔥茈

羌

第六西戎二

吐谷渾 乙弗敵 宕昌 鄧至 党項

白蘭 吐蕃 大羊同 悉立 章求拔

泥婆羅

第七西戎三

西戎總序 樓蘭 且末 杆彌 車師 高昌

附 龜茲

第八西戎四

焉耆 于闐 疎勒 烏孫 姑墨 溫宿

烏秣 難兜 大宛 莎車 劉賓 烏

弋山離 條支 安息 大夏 大月氏

小月氏

第九西戎五

康居 曹國 何國 史國 並附見 奄蔡

滑國 嚙噠 挹怛同 天竺 車離

師子 高附 大秦 小人 軒渠 三童

澤散 驢分 堅昆 呼得 丁令 短

人 波斯 悅般 伏盧尼 朱俱波 渴

槃陁 粟弋 阿鈞羌 副貨 疊伏羅

賒彌 石國 女國 吐火羅 劫國 陁

羅伊羅 越底延 大食

第十北狄一

序略 匈奴上

第十一北狄二

匈奴下 南匈奴

第十二北狄三

烏桓 鮮卑 軻比能 文莫槐 徒河

段 務勿塵附 慕容氏 加跋氏 蠕蠕

第十三北狄四

高車 稽胡 突厥上

第十四北狄五

突厥中

第十五北狄六

突厥下 鐵勒 薛延陁 僕骨 同羅

郁波 拔野古 多濫葛 斛薛 阿跋

契苾羽 鞠國 俞柁 八漠 白霽 先立

第十六北狄七

庫莫奚 契丹 室韋 地豆于 烏落侯

驅度寐 霽 拔悉彌 流鬼 迴紇

骨利幹 結骨 駸馬 鬼國 鹽漠念

邊防一

東夷上

序略

東夷

白虎通云夷者蹲也言無禮儀或云夷者抵也言仁而好生萬物抵地而出故云性柔順易以道禦

有九種曰畎夷方夷干夷黃夷白夷赤夷氂夷風夷陽

夷率皆土著

遲略反

喜飲酒

喜許利反

歌舞或冠弁衣錦器用

俎豆所謂中國失禮求之四夷者也

凡蠻夷戎狄總名四夷者猶公侯伯

子男皆號諸侯也

昔堯命羲仲宅嵎夷曰暘谷蓋日之所出也

夏后氏太康失德夷人始叛其後至后發即位賓於王

門獻其樂舞桀為暴虐諸夷內侵商湯革命伐而定之

至於仲丁藍夷作寇自是或服或叛三百餘年武乙衰

弊東夷寔盛遂分遷淮岱漸居中土周初封商太師國

於朝鮮

太師為周陳洪範其地今安東府之東悉為東夷所據

時管蔡畔周乃招

誘淮夷作亂周公征定之其後徐夷僭號穆王命楚滅

之

徐偃王也

至楚靈王會申亦來同盟後越遷瑯琊遂陵暴

諸夏侵滅小國秦并天下其淮泗夷皆散為人戶其朝

鮮歷千餘年至漢高帝時滅武帝元狩中開其地置樂浪等郡至後漢末爲公孫康所有魏晉又得其地其三韓之地在海島之上朝鮮之東南也百濟新羅魏晉以後分三韓地新羅又在百濟之東南倭又在東南倭鳥和反隔越大海夫餘在高麗之北挹婁之南其倭及夫餘自後漢百濟新羅自魏歷代並朝貢不絕而百濟大唐顯慶中蘇定方滅之高麗本朝鮮地漢武置縣屬樂浪郡時甚微弱後漢以後累代皆受中國封爵所都平壤城則故朝鮮國王險城也後魏周齊漸強盛隋文帝時寇盜遼西漢王諒帥兵討之至遼水遭癘疫而返煬帝三

度親征初渡遼水敗績再行次遼水會楊元感反奔退又往將達涿郡屬天下賊起及饑饉旋師貞觀中太宗又親征渡遼破之高宗總章初英國公李勣遂滅其國古之肅慎宜卽魏時挹婁自周初貢楛矢石弩楛音戶至魏常道鄉公末東晉元帝初及石季龍時始皆獻之後魏以後曰勿吉國今則曰靺鞨焉大抵東夷書文並同華夏其閩越之地秦平天下以爲郡及秦亂其帥又自稱王於故地武帝元封初楊僕滅其國遷其人於江淮虛其地自後雖人庶復集遂爲郡縣矣

朝鮮

朝鮮晉張華曰朝鮮有泉水洌水汕水三水合為洌水疑樂浪朝鮮取名於此也汕所晏反周封

殷之太師之國太師教以禮義田蠶作八條之教無門

戶之閉而人不為盜其後四十餘代至戰國時朝鮮侯

準亦僭稱王始全燕時嘗畧屬焉為置吏築障秦滅

燕屬遼東外徼秦遼東郡今安東府之東地及秦亂中國人往避地

者數萬口漢興為其遠難守復修遼東故塞至沮水為

界沮音滂屬燕王盧綰反入匈奴燕人衛滿亡命聚黨

千餘人魁結魁杜回反蠻夷服而東走出塞度沮水擊破朝

鮮王準居秦故空地上下障後稍役屬真蕃朝鮮諸夷

及故燕齊亡命者王之都王險在沮水之東會孝惠高后時

天下初定遼東太守即約滿為外臣保塞外以故滿得

兵威財物侵降其旁小邑真蕃臨屯皆來服屬地方數

千里傳子至孫右渠所誘漢亡人滋多武帝元封三年

遣樓船將軍楊僕從齊浮渤海兵五萬左將軍荀彘出

遼東討之朝鮮人相與殺王右渠來降遂以朝鮮為真

蕃臨屯樂浪音郎元菟四郡今悉為東夷之地昭帝時罷臨屯真

蕃以并樂浪元菟自內屬以後風俗稍薄法禁亦寢多

至於六十餘條

減

減亦朝鮮之地南與辰韓北與高句麗盧溪反沃沮接東

窮大海西至樂浪後漢光武建武六年悉封其渠帥爲
縣侯皆歲時朝賀無大君長自漢以來其官有侯邑君
三老統主下戶其耆舊自謂與高麗同種言語法俗大
抵相類其人性謹愿少嗜慾有廉恥男女衣皆着曲領
男子繫銀花廣數寸以爲飾其俗重山川山川各有部
分不得輒相干涉同姓不婚多所忌諱疾病死亾卽棄
舊宅更作新居知種麻養蠶綿布曉候星宿先知年歲
豐約不以珠玉爲寶又祭虎以爲神其邑落有侵犯者
輒相罰責生口牛馬名之爲責禍少寇盜作矛長三丈
或數人共持之能步戰樂浪檀弓出其地又多文豹有

果下馬高三尺乘之可於果樹下行也其海出斑魚皮
漢時常獻之魏齊王正始六年不耐濊侯等舉邑降四
時詣樂浪帶方二郡朝謁並今東夷之地有軍征賦調如中華
人焉

馬韓

馬韓後漢時通焉有三種一曰馬韓二曰辰韓三曰弁
辰馬韓在西五十有四國其北與樂浪南與倭接辰韓
在東十有二國其北與濊貊接弁辰在辰韓之南亦十
有二國其南亦與倭接凡七十八國或云百濟是其一
國焉大者萬餘戶小者數千家各在山海間地合方四

千餘里東西以海爲限皆古之辰國也馬韓最大共立其種爲辰王都日支國盡王三韓之地其諸國王先皆是馬韓種人焉馬韓人知田蠶作綿布出大栗如梨又出細尾鷄其尾皆長五尺餘邑落雜居亦無城郭作草屋土室形如塚門戶在上不知跪拜無長幼男女之別少綱紀國邑雖有王師不能相制御其葬有棺無槨不知騎乘牛馬牛馬盡於送死不貴金寶錦蜀唯重瓔珠以綴衣爲飾及懸頸垂耳大率皆魁頭露紒魁頭猶科髮縈繞成科結也紒音計布袍草履其人壯勇少年有築室作力者輒以繩貫脊皮縋以大木嚙呼爲健嚙音喚善用弓楯矛

櫓雖有鬪爭攻戰而貴相屈服俗信鬼神常以五月耕種畢晝夜酒會羣聚歌舞數十人俱起相隨踏地低昂手足相應爲節十月農工畢亦復如之諸國邑各以一人主祭天地號爲天君又立蘇塗蘇塗有似浮屠建大木以懸鈴鼓事鬼神其南界近倭亦有文身者又有州胡在馬韓之西海中大島上其八差短小言語不與韓全皆髡頭如鮮卑但衣韋衣有工無下畧如裸勢養牛豕乘船往來貨市韓中

辰韓

辰韓耆老自言秦之亡人避苦役來適韓國馬韓割其

乾隆十二年校刊

道里之遠一

東界地與之有城柵其言語有類秦人由是或謂之爲秦韓其王常用馬韓人作之世世相係襲辰韓不得自立爲王明其爲流移之人故也其名國爲邦弓爲弧賊爲寇行酒爲行觴相呼皆爲徒諸小邑各有渠帥大者名臣智次有險側次有樊滅次有殺奚次有邑借皆其官名土地肥美宜五穀知蠶桑作縑布乘駕牛馬嫁娶以禮其俗男女有別以大鳥羽送死其意欲使死者飛揚國出鐵韓濊倭皆從取之諸市買皆用鐵如中國用錢又以供給二郡俗喜歌舞飲酒鼓琴瑟其瑟形似筑彈之亦有音曲兒生便以石厭其頭欲其匾故辰韓人皆匾

頭

匾音扁

男女近倭亦文身便步戰兵杖與馬韓同其俗

行者相逢皆住讓路

弁辰

弁辰與辰韓雜居亦有城郭衣服居處與辰韓同言語風俗相似祠祭鬼神有異施竈皆在戶西初朝鮮王準爲衛滿所破乃將其餘衆數千人走入海攻馬韓破之自立爲韓王準後滅絕馬韓人復立爲辰王後漢光武建武中韓人廉斯人蘇馬謔等詣樂浪貢獻謔音是帝封蘇馬謔爲漢廉斯邑君使屬樂浪郡四時朝謁靈帝末韓濊並盛郡縣不能制百姓苦亂多流亡入韓者獻帝

乾隆十二年校刊

通鑑卷之三十五

邊防一

十一

建安中公孫康分屯有有鹽縣屯有有鹽並漢遼東屬縣今並為東夷地以南荒地為帶方郡遣公孫模張敞等收集遺民興兵伐韓濊舊民稍出是後倭韓遂屬帶方魏景初中明帝密遣帶方太守劉昕樂浪太守鮮于嗣越海定二郡諸韓國臣智加賜邑君印綬其次為邑長其俗好衣幘下戶詣郡朝謁皆假衣幘自服印綬衣幘千有餘人部從事吳林以樂浪本統韓國分割辰韓八國以與樂浪晉武帝咸寧中馬韓王來朝自是無聞三韓蓋為百濟新羅所吞并

百濟

百濟即後漢末夫餘王尉仇台之後

後魏表

時百濟王上臣與高麗先

出夫餘

初以百家濟海因號百濟晉時句麗

既畧有遼東

百濟亦據有遼西晉平二郡

今柳城安平之間

晉以後吞并

諸國據有焉韓故地其國東西四百里南北九百里南接新羅北拒高麗千餘里西限大海處小海之南國西南海中有三島出黃漆樹似小棕樹而八六月取汁漆器物若黃金其光奪目自晉代受蕃爵曰置百濟郡義熙中以百濟王夫餘臚陸典反為使持節曰濟諸軍事宋齊並遣使朝貢授官封其人土著地多下濕率皆山居其都理建居拔城王號於羅瑕百姓呼為韃吉支韃音乾

夏言竝王也王妻號於陸夏言妃也官有十六品左率
一品達率二品恩率三品德率四品扞率五品柰率六
品以上冠飾銀花將德七品紫帶施德八品皂帶固德
九品赤帶季德十品青帶對德十一品文督十二品皆
黃帶武督十三品佐軍十四品振武十五品克虞十六
品皆白帶統兵以達率德率扞率爲之人庶及餘小城
咸分隸焉其衣服男子畧全於高麗拜謁之禮以兩手
據地爲敬婦人衣似袍而袖微大在室者編髮盤於首
後垂一道爲飾出嫁者乃分爲兩道焉兵有弓箭刀稍
俗重騎射兼愛墳史其秀異者頗解屬文又解陰陽五

行用宋元嘉歷以建寅月爲歲首亦解醫藥卜筮占相
之術有投壺樗蒲等雜戲然尤尚奕棊僧尼寺塔甚多
而無道士賦稅以布絹麻米等婚娶之禮畧同華俗父
母及夫死者三年持服餘親則葬訖除之氣候溫暖五
穀雜果菜蔬及酒醴餼饌樂器之屬多同於內地唯無
駝騾驢羊鵝鴨等云其王以四仲之月祭天又每祭歲
四祠其先祖仇台之廟大姓有八族沙氏燕氏劬氏
夾解氏真氏國氏木氏苜音白氏國西南人島居者十五
所皆有城邑後魏孝文遣衆征破之後其王牟大爲高
句麗所破衰弱累年遷居南韓地隋文開皇初其王夫

餘昌遣使貢方物拜帶方郡公百濟王○大唐武德貞觀中頻遣使朝貢顯慶五年遣蘇定方討平之舊有五部分統三十七郡二百城七十六萬戶至是以其地分置熊津馬韓東明等五都督府仍以其會渠爲都督府刺史其舊地沒於新羅城傍餘衆後漸寡弱散投突厥及靺鞨其王夫餘崇竟不敢還舊國土地盡沒於新羅靺鞨夫餘氏君長遂絕

新羅

新羅國魏時新盧國焉其先本辰韓種也辰韓始有六國稍分爲十二新羅則其一也初曰新盧宋時曰新羅或曰斯羅其國

在百濟東南五百餘里

亦在高句麗東南兼有漢時樂浪郡之地

東濱大海

魏將毋邱儉討高麗破之奔沃沮其後復歸故國留者遂爲新羅焉故其人雜有華夏高麗百濟之屬兼有沃沮不耐韓濊之地其王本百濟人自海逃入新羅遂王其國其國小不能自通使聘苻堅時其王樓寒遣使衛頭朝貢堅曰卿言其海東之事與古不全何也答曰亦猶中國時代變革名號改易今焉得全梁武帝普通二年王姓慕名秦始皇使人隨百濟獻方物其俗呼城曰健牟羅其邑在內曰喙評喙呼穢反在外曰邑勒亦中國之言郡縣也國有六喙評五十二邑勒土地肥美宜植五穀

多桑麻果菜鳥獸物產畧與華全至隋文帝時遣使來貢其王姓金名真平

隋東蕃風俗記云金姓相承三十餘葉

文帝拜為樂

浪郡公新羅王

其王至今亦姓金按梁史云姓慕未詳中間易姓之由

其先附屬

於百濟後因百濟征高麗人不堪戎役相率歸之遂致

強盛因襲加羅任那諸國滅之

並三韓之地

其西北界犬牙

出高麗百濟之間官有十六等其一曰伊罰于貴如相

次伊尺于次迎于次破彌于次大河尺于次河尺于次

乙吉次沙咄于

咄都骨反

次及伏于次大奈摩次大舍次小

舍次吉次大烏次小烏次達位外有郡縣文字甲兵同

於中國選人壯健者悉入軍峰戍邏

郎佐反

俱有屯營

俗刑政衣服畧與高麗百濟同。大唐貞觀二十二年

其王金春秋來朝拜為特進請改章服以從華制

倭

倭自後漢通焉在帶方東南大海中依山島為居凡百

餘國光武中元二年倭國奉貢朝賀使人自稱大夫倭

國之極南界也安帝永初元年倭國王帥升等獻生口

百六十人桓靈間倭國大亂更相攻伐歷年無主有一

女子名曰卑彌呼年長不嫁事鬼道能以妖惑眾於是

共立為王侍婢千人少有見者唯有男子一人給飲食

傳辭語出入居處宮室樓觀城柵嚴設常有人持兵守

衛魏明帝景初二年司馬宣王之平公孫氏也倭女王始遣大夫詣京都貢獻魏以為親魏倭王假金印紫綬齊王正始中卑彌呼死立其宗女臺輿為王魏畧云倭人自謂太伯之後其後復立男王並受中國爵命晉武帝太始初遣使重譯入貢宋武帝永初二年倭王讚修貢職至曾孫武順帝昇明二年遣使上表曰封國偏遠作蕃於外自昔祖禰躬擐甲胄跋涉山川不遑寧處東征毛人五十五國西服眾夷六十六國渡平海北九十五國臣雖下愚忝允先緒驅率所統歸宗天極道逕百濟裝舩理舫而句麗無道圖欲見吞虔劉不已每致稽遲臣欲練甲

理兵摧此強敵尅靖方難無替前功竊自假開府儀同三司其餘咸各假授詔除武使持節安東大將軍倭王其王理邪馬臺國或云邪摩堆去遼東萬二千里在百濟新羅東南其國界東西五月行南北三月行各至於海大較在會稽閩川之東亦與朱崖儋耳相近其國土俗宜禾稻麻紵蠶桑知織績為縑布出白珠青玉其山出銅有丹土氣溫暖冬夏生菜茄無牛馬虎豹羊有薑桂橘椒蘘荷不知以為滋味出黑雉有獸如牛名山鼠又有大蛇吞此獸蛇皮堅不可斫其上孔乍開乍閉時或有光射中之蛇則死其兵有矛楯木弓竹矢或以骨為鏃

男子皆黥面文身自謂大伯之後衣皆橫幅結束相連無縫女人披髮屈紒作衣如單被穿其中央貫頭著之並以丹朱塗其身如中國之用粉也有城柵屋室父母兄弟異處唯會同男女無別飲食以手而用籩豆俗皆徒跣以蹲踞爲恭敬人性唯嗜酒多壽考國多女大人皆有四五妻其餘或兩或三女人不媵不妬又俗不盜竊少爭訟其婚嫁不娶同姓婦入夫家必先跨火乃與夫相見其死停喪十餘日家人哭泣不進酒食肉親賓就屍歌舞爲樂有棺無槨封土作塚舉大事灼骨以下用決吉凶其行來渡海詣中國常使一人不櫛沐不食

肉不近婦人名曰持衰若在塗吉利則共顧其財物若有疾病遭暴害以爲持衰不謹便共殺之官有十二等一曰大德次小德次大仁次小仁次大義次小義次大禮次小禮次大智次小智次大信次小信員無定數有軍尼百二十人猶中國牧宰八十戶置一伊尼翼如里長也十伊尼翼屬一軍尼其王以天爲兄以日爲弟尤信巫覡每至正月一日必射戲飲酒其餘節畧與華全樂有五絃琴笛好碁博握槊擣蒲之戲隋文帝開皇二十年倭王姓阿每各多利思比孤其國號阿輩鷄彌華言天兒也遣使詣闕其書曰日出處天子致書日沒處

天子無恙云云帝覽之不悅謂鴻臚卿曰蠻夷書有無禮者勿復以聞明年帝遣文林郎裴清使於倭國渡百濟東至一支國又至竹斯國又東至秦王國其人同於華夏以爲夷洲疑不能明也又經十餘國達於海崖自竹斯以東皆附庸於倭清將至王遣小德阿輩臺從數百人設儀仗鳴鼓角來迎又遣大禮哥多毗從二百餘騎郊勞既至彼都其王與清相見設宴享以遣復令使者隨清來貢方物其國跣足以幅布蔽其前後雉髻無冠帶隋煬帝時始賜衣冠並以綵錦爲冠飾裳皆施撰音綴綴以金玉衣服之制頗同新羅○大唐貞觀五年遣

新州刺史高仁表持節撫之浮海數月方至仁表無綬遠之才與其王爭禮不宣朝命而還由是遂絕又千餘里至侏儒國人長三四尺自侏儒東南行船行一年至裸國黑齒國使驛所傳極於此矣倭一名日本自云國在日邊故以爲稱武太后長安二年遣其大臣朝臣真人貢方物真人者猶中國地官尚書也頗讀經史解屬文首冠進德冠其頂有花分而四散身服紫袍以帛爲腰帶容止溫雅朝廷異之拜爲司膳員外郎天寶末衛尉少卿朝衡卽其國人

夫餘

夫餘國後漢通焉初北夷索離國王

按後漢魏二史皆云夫餘國在高句

麗北又案後魏及隋史高句麗在夫餘國南而隋史云百濟出於夫餘夫餘出於高句麗國王于東明之後也又謂索離國即高麗國乃夫餘國當在句麗之南矣若詳考諸家所出疑索離在夫餘之北別置一國然未詳孰是

有子曰東明長而善射王忌其猛而欲殺之東明奔走南渡掩淚水因至夫餘而王之順帝永和初其王始來朝帝作黃門鼓吹角抵戲以遣之夫餘本屬元菟至漢末公孫度雄張海東威服外夷其王始死子尉仇台立更屬遼東時句麗鮮卑强度以夫餘在二虜之間妻以宗女至孫位居嗣立正始中幽州刺史母邱儉將兵討句麗遣元菟太守王頎音其詣夫餘位居遣大加郊迎

供軍糧自後漢時夫餘王葬用玉匣常先以付元菟郡王死則迎取以葬及公孫淵伏誅元菟庫猶得玉匣一具晉時夫餘庫有玉璧珪瓚數代之物傳以為寶耆老言先代之所賜也其印文言滅王之印國有故城名滅城蓋木滅貊之地其國在長城之北去元菟千里南與高句麗東與挹婁西與鮮卑接北有弱水地可方二千里有戶八萬土宜五穀不生五果有宮室倉庫牢獄多山陵廣澤其人性強勇謹厚不寇抄以六畜名官有馬加牛加猪加狗加大使大使者使者邑落有豪民名下戶皆為奴僕諸加別主四出道大者數千家小者數百

家會同拜爵揖讓升降有似中國以臘月祭天譯人傳
辭皆跪手據地竊語用刑嚴急殺人者死沒其家人為
奴婢竊一責十二男女媼婦人妬皆殺之兄死妻嫂與
北狄同俗出名馬赤玉貂豹美珠大者如酸棗以弓矢
刀矛為兵家家自有鎧仗作城柵皆圓有似牢獄行人
無晝夜好歌吟通日聲不絕有軍事亦祭天殺牛觀蹠
以占吉凶蹄解者為凶合者為吉有敵諸加自戰下戶
但擔糧食音嗣之其死夏月皆用水殺人殉葬多者百數
厚葬有棺無槨其居喪日男女不婚娶婦人着布至大
康六年為慕容廆所襲破廆呼罪反其王依慮自殺子弟走

保沃沮武帝以何龕為護東夷校尉明年夫餘後王依
羅遣使詣龕求索見人還復舊國龕遣督郵賈沉以兵
送之爾後每為虜掠其種人賣於中國帝又以官物贖
還禁市夫餘之口自後無聞

蝦夷

蝦夷國海島中小國也其使鬚長四尺尤善弓矢插箭
於首令人戴之而立四十步射之無不中者大唐顯慶
四年十月隨倭國使人入朝

常從元菟郡受之後稍驕恣不復詣郡但於東界築小城以受之遂名此城爲幘溝瀆幘溝瀆者句麗名城也王莽時發句麗兵以伐匈奴其人不欲行皆亡出塞爲寇盜莽更名高句麗王爲下句麗侯於是貊人寇邊愈甚光武建武八年遣使朝貢帝復其王號其國在遼東之東千里南與朝鮮濊貊東與沃沮北與夫餘接地方二千里多大山深谷無原澤隨山谷而爲居少田業力作不足以自資其俗節於飲食而好修宮室以夫餘別種而言語法則多同而跪拜曳一脚行步皆走凡有五族有消奴部絕奴部順奴部灌奴部桂婁部本消奴部

爲王稍微弱後桂婁部代之其置官有相加對盧沛者古鄒大加主簿優台使者阜衣先人其俗人皆淨潔自熹邑落男女每夜羣聚爲倡樂好祠鬼神社稷靈星以十月祭天大會名曰東盟其國東有大穴號隧神亦以十月迎而祭之其公會衣服皆錦繡金銀以自飾大加主簿皆着幘如冠幘而無後其小加着折風形如弁無牢獄有罪諸加評議便殺之沒入妻子爲奴婢婚娶之禮略無財幣若受財者謂之賣婢俗甚恥之父母及夫喪其服制同於華夏兄弟則服以三月兵器有弓弩弓箭戟稍矛鋌樂有五絃琴箏篳篥橫吹簫鼓之屬賦稅

則絹布及粟隨其所有量貧富差等輸之其馬皆小便

登山本朱蒙所乘馬種即果下也畜有牛豕豕多白色其人性凶急

有氣力習戰鬪好寇抄沃沮東濊皆屬焉又有小水貂

句麗作國依水而居漢遼東郡西安平縣北有小水南流入海句麗之別種依小水作居

因名之為小水貂出好弓所謂貂弓是也至其王宮生而開目

能視國人懷之及長勇壯和帝時頻掠遼東元菟等郡

宮死元菟太守姚光上言欲因其喪發兵擊之尚書陳

忠曰宮前桀黠先不能討死而擊之非義也宜遣弔問

因責讓前罪安帝從之明年宮子遂成還漢生口詣元

菟降詔曰自今以後不與縣官戰鬪而自以親附送生

口者皆與贖直縑人四千疋小口半之自爾率服東陞

少事其後王伯固死有二子長曰拔奇小曰伊夷模拔

奇不肖國人共立伊夷模為王自伯固時數寇遼東又

受亡胡五百餘家獻帝建安中拔奇怨為兄而不得立

與消奴加各將下戶三萬餘口詣公孫康降還住沸流

水降胡亦叛伊夷模伊夷模更作新國都於丸都山下

拔奇遂往遼東有子留句麗國古鄒加駁位居是也伊

夷模死子位宮立以曾祖名宮生能開目視及長大果

剽虐剽音凶今王生亦能視句麗呼相似為位似其祖故

名之為位宮宮有勇力便鞍馬魏齊王正始三年位宮

乾隆十二年校刊

寇西安平

在遼東

五年幽州刺史母邱儉將萬人出元菟

討之戰於沸流位宮敗走儉追至頽峴縣車束馬登丸都山屠其所都斬首虜萬餘級六年母邱儉復討之位宮輕將諸加奔沃沮儉使王頎追之統沃沮千餘里到肅慎南界刻石紀功又刊丸都山銘不耐城而還至位宮五葉孫釗晉康帝建元初慕容皝音晃率兵伐之大敗單馬奔走皝乘勝追至丸都焚其宮室掠男女五萬餘口以歸釗後為百濟所殺其後慕容寶以句麗王安為平州牧封遼東帶方二國王安始置長史司馬參軍官後略有遼東郡至孫高麗東晉安帝義熙中遣長史高

翼獻赭白馬以璉為營州諸軍事高麗王樂浪郡公宋

元嘉中又獻馬八百疋自東晉宋主於齊梁後魏後周

其主皆受南北兩朝封爵分遣貢使初後魏時置諸國

使邸齊使第一高麗次之南齊武帝永明中高麗使至

服窮袴折風中書郎王融戲之曰服之不衷身之災也

頭上定是何物答曰此即古弁之遺像也自東晉以後

其王所居平壤城

即漢樂浪郡

王險城自為慕容皝來伐後徙國內城移都此城

亦曰

長安城隨山屈曲南臨沮水在遼東南千餘里城內唯

積倉儲器械寇賊至方入同守王別為宅於其側其外

有國內城及漢城亦別都也復有遼東元菟等數十城

皆置官司以相統攝焉

其地後漢時方二千里至魏南

西六千里其國中書籍有五經三史三國志晉陽秋玉篇字

統字林自璉七葉至元隋文帝時率靺鞨之眾萬餘騎

寇遼西隨遣漢王諒總兵討之次遼水大遭疾疫又乏

糧元復惶懼遣使請罪遂班師至煬帝徵元入朝不至

大業七年帝親征元師度遼水東城分道出師頓兵於

其城下高麗嬰城固守帝命諸將攻之又勅諸將高麗

若降者即宜撫納不得縱兵城將陷賊輒言請降諸將

奉旨不敢赴機先令馳奏此報至賊守禦亦備隨出拒

戰如此者再三帝不悟合肅師老輸糧不繼諸軍敗績

遠者千人而已是行也唯於遼水西拔賊武列邏而已

還九年帝復親征乃勅諸軍以便宜從事諸將分道攻

城賊勢日蹙會楊元感作亂反書至帝班師兵部侍郎

斛斯政元感之黨亡入高麗具知事實悉銳兵來追殿

軍多敗十年又發天下兵會盜賊蜂起所在阻絕軍多

失期少至遼水又屬饑饉六軍遞相掠奪復多疾疫自

黃龍以東骸骨相屬止泊之處軍人皆積屍以禦風雨

死者十有八九高麗亦困弊於守禦遣使乞降囚送斛

斯政以贖罪帝許之頓於懷遠鎮受其降款旋師仍徵


元入朝不至帝更圖後舉會天下大亂不克行○大唐

乾隆十二年校刊

通鑑卷一百一

武德四年遣使朝貢其國建官有九等其一曰吐粹昨
反舊名大對盧總知國事次曰大大兄次鬱折之悅
反言主簿次太大夫使者次皂衣頭大兄東夷相傳所謂
皂衣先人者也以前五官掌機密謀政事徵發兵馬選
授官爵次大使者次大兄次收位使者次上位使者次
小兄次諸兄次過節次不過節次先人又有狀古鄒加
掌賓客比鴻臚卿以大夫使者為之又有國子博士大
學博士舍人通事典書客皆以小兄以上為之又其諸
大城置傳內屋薩比都督諸城置處閭近支比刺史亦
反謂之道使其武官曰大模達比衛將軍以皂衣頭大兄

以上為之次末客比中郎將以大兄以上為之其次領
千人以下各有差等又其國有五部皆貴人之族也一
曰內部即後漢時桂婁部也二曰北部即絕奴部也三
曰東部即順奴部也四曰南部即灌奴部也五曰西部
即消奴部也碣石山在漢樂浪郡遂城縣長城起於此
山今驗長城東截遼水而人高麗遺址猶存按尚書云
入於河右碣石即河赴海處在今北平又平壤城東北
郡南二十餘里則高麗中為左碣石有魯陽山魯城在其上西南二十里有葦山南臨沮水
其大遼水源出靺鞨國西南山南流至安市小遼水源
出遼山西南流與大梁水會大梁水在國西出塞外西



南流注小遼水馬訾水

則移反

一名鴨綠水水源出東北

靺鞨白山水色似鴨頭故俗名之去遼東五百里經國

內城南又西與一水合即鹽難水也二水合流西南至

安平城入海高麗之中此水最大波瀾清澈所經津濟

皆貯大船其國恃此為天塹水濶三百步在平壤城西

北四百五十里遼水東南四百八十里

漢樂浪元菟郡之地自後漢及

魏為公孫氏所至淵滅西晉永嘉以後復陷入高麗其

不耐屯有帶方安市平郭安平居龍文城皆漢二郡諸

縣則朝鮮濊又遣使請道教詔沈叔安將天尊像并道

士至其國講五千文開釋元宗自是始崇重之化行於

其王元在

位十八年高武

即元異母弟立其姪藏為王自為莫離支此官總選

兵猶吏部兵部尚書也於是號令遠近遂專國命蘇文

鬚面甚偉形體魁傑衣服冠履皆飾以金絲身佩五刀

常挑臂高步意氣豪逸左右莫敢仰視常令武官貴人

俯伏於地登背上下馬七年二月遣使內附受正朔請

頒歷許之八年三月高祖謂羣臣曰名實之間理須相

副高麗稱臣於隋終拒煬帝此亦何臣之有朕敬於萬

物不欲驕貴但據有土宇務共安人何必令其稱臣以

自尊大可即詔述朕此懷也裴矩温彦博進曰遼東之

地周為太師之國漢家之元菟郡耳魏晉以前近在提

封之內不可許以不臣若以高麗抗禮四夷必當輕漢且中國之於夷狄猶太陽之於列星理無降尊俯同蕃服乃止貞觀十八年二月太宗謂侍臣曰高麗莫離支賊殺其主盡誅大臣夫出師弔伐須有其名因其殺君虐下取之爲易諫議大夫褚遂良進曰兵若度遼事須尅捷萬一不獲無以威示遠方必更發怒再動兵衆若至於此安危難測太宗然之兵部尚書李勣曰近者薛延陀犯邊必欲追擊但爲魏徵苦諫遂止向若討伐無一人生還可五十年間邊境無事至十一月以刑部尚書張亮爲平壤道行軍大總管自萊州泛海趣平壤又

以特進李勣爲遼東道行軍大總管趣遼東兩軍合勢三十日征遼東之兵集於幽州十九年太宗親征渡遼四月李勣攻拔盍牟城獲口二萬以其城置盍州勣又攻遼東城拔之以其城爲遼州六月攻拔白巖城以其城爲巖州遂引軍次安市城進兵以攻之會高麗北部僣薩高延壽南部高惠真率靺鞨之衆十五萬來援於安市城東南八里依山爲陣上令所司張受降幕於朝堂之側夜召文武躬自指揮是夜有流星墜賊營中明日及戰大破之延壽惠真率三萬六千八百人來降上以酋首三千五百人授以戎秩遷之內地餘三萬人悉

放還平壤城靺鞨三千人并坑之獲馬五萬疋牛五萬頭甲一萬領因名所幸山爲駐驂山命許敬宗爲文勒石以紀其迹遂移軍於安市城南久不尅九月遂班師先遣遼盍二州戶口渡遼乃召兵馬歷於城下而旋城主升城拜辭太宗嘉其堅守賜縑百疋以勵事君者二十一年李勣復大破高麗於南蘇班師至頗利城渡白狼黃崑二水皆由滕以下勣怪二水狹淺問契丹遼源所在云此二水更行數里合而南流卽稱遼水更無遼源可得也旋師之後更議再行二十二年司空房元齡病亟乃謂諸子曰當今天下清謐咸得其宜唯東討不

庭方爲國害主上含怒意決臣下莫敢犯顏吾若不言可謂銜恨入地遂封表切諫曰臣聞兵惡不戢武貴止戈當今聖化所覃無遠不服自古所不臣者陛下皆能臣之所不制者皆能制之詳觀古今爲中國患害無過突厥遂能坐運神冊不下殿堂大小可汗相次束手分典禁衛執戟行間其後延陀鴟張尋就夷滅鐵勒慕義請置州縣沙漠之北萬里無塵至如高昌叛渙於流沙吐渾首窺於積石偏師薄伐俱從平蕩高麗逋誅莫能討擊陛下責其逆亂殺主虐人親總六軍問罪遼碣未經旬日卽拔遼東此聖主之所自知微臣安敢備說

且陛下仁風被於率土孝德彰於配天兼衆美而有之靡不畢具微臣渎爲陛下惜之重之愛之寶之易曰知進而不知退知存而不知亾又曰知進退存亾而不失其正者其唯聖人乎由此言之進有退之義存是亾之機得有喪之理老臣所以爲陛下惜之蓋謂此也老子曰知足不辱知止不殆臣謂陛下威名功德亦可足矣拓地開疆亦可止矣彼高麗者邊夷賤類不足待以仁義不可責以常禮古來以魚鼈畜之宜從闕畧若必欲絕其種類淡恐獸窮則搏且陛下每決死囚必命三覆進素食停音樂蓋以人命所重感動聖慈况今兵士之

徒無一罪戾無故驅之於遼城之間委之於鋒刃之下

使肝腦塗地魂魄無歸令其老父孤兒寡婦慈母親

音車而掩泣抱枯骨而摧心足以變動陰陽感傷和氣

實天下之冤痛也伏願陛下遵皇祖老子止足之戒以

保萬代巍巍之名許高麗自新罷應募之氓自然華夷

慶賴遠肅邇安臣老病三公朝夕入地謹罄殘魂餘息

結草之誠儻蒙錄此哀鳴卽臣死且不朽蓋蘇文死其

子男生嗣立爲其弟男建所逐使其子獻誠詣闕高宗

總章元年遣司空李勣伐高麗破其都平壤城擒其王

高藏并男建等平其國下城百七十戶六十九萬七千

二年移高麗戶二萬八千三百配江淮嶺南山南京西
咸亨元年四月其餘類有酋長鉗牟岑者率眾叛立高
藏外孫安舜爲王令左衛大將軍高侃討平之其後餘
眾不能自保散投新羅靺鞨舊國土盡入於靺鞨高氏
君長遂絕武太后聖歷二年鸞臺侍郎平章事狄仁傑
上表請捐安東復其君長曰臣聞先王疆理天下皆是
封域之內制井田出兵賦其有逆命者因而誅焉罪其
君弔其人存其社稷不奪其財非欲土地之廣非貪玉
帛之貨至漢孝武籍四帝之資儲於是定朝鮮討西域
平南越擊匈奴府庫皆空賊盜蜂起百姓嫁妻賣子流

離於道路萬計於是權酤市利算及舟車籠天下貨財
而財用益屈末年覺悟息兵罷役封丞相爲富民侯然
而漢室中分蓋由此起豈不戒哉人有四支者所以捍
頭目也君有四方者所以衛中國也然以蝮蛇在手旣
以斷節全身狼戾一隅亦宜棄之存國漢元帝罷珠崖
之郡宣帝棄車師之田非惡多而好少也知難卽止是
爲愛人今以海中分爲兩運風波漂蕩沒溺至多淮兵
計糧猶苦不足且中國之與蕃夷天文自隔遼東所守
已是石田靺鞨遐方更爲雞肋今欲肥四夷而瘠中國
恐非通典且得其地不足以耕織得其人不足以賦稅

臣請罷薛訥廢安東鎮三韓君長高氏爲其主願陛下
興存亡繼絕之義復其故地此之美名高於堯舜遠矣

東沃沮

東沃沮後漢通焉初武帝滅朝鮮時以其地爲元菟郡
後爲夷貊所侵徙郡於高句麗西北至光武以其渠帥
爲縣侯不耐華麗沃沮諸縣皆爲侯國後漢末猶置功
曹主簿諸曹皆滅民作之其諸邑落渠帥皆自稱三老
則故縣國之制也其國在高句麗蓋馬大山之東蓋音合
東濱大海北與挹婁夫餘南與濊貊接其地東西狹南
北長可折方千里戶五千土宜美背山向海宜五穀善

田種無大君主有邑落長帥人性質直強勇便持矛步
戰言語飲食居處衣服有似句麗其葬作大木椁長十
餘丈開一頭爲戶新死者先假埋之令皮肉盡乃取骨
置椁中家人皆共一椁刻木如主形隨死者爲數又有
瓦鏹鎗也音歷置米其中編懸之於椁戶邊國小迫於大國
之間遂臣屬句麗復置其中大人爲使者使相主領又
使大加統之大加句麗官號所謂有馬牛羊狗加其所部有大小責其租稅貂布
魚鹽海中食物千里擔負致之又發其美女以爲婢妾
焉魏齊王正始五年幽州刺史母邱儉討句麗句麗王
宮奔沃沮遂進師擊沃沮邑落皆破之宮又奔北沃沮

北沃沮一名置溝婁去南沃沮八百餘里其俗南北皆同與挹婁接挹婁喜乘船寇抄北沃沮畏之夏月常在山巖深穴中爲守備冬月冰凍船道不通乃下居村落母邱儉遣元菟太守王頌追討宮盡其東界耆老言國人常乘船捕魚遭風吹數十日東到一島上有人言語不相曉其俗嘗以七月取童女沉海又言有一國亦在海中純女無男人或傳其國有神井闕之輒生子又說得一布衣從海中浮出其身衣中國人衣其兩袖長三丈又得一破船隨波出在海中岸邊有一人項中復有面生得之與語不通不食而死其城皆在沃沮東大

海中

挹婁

挹婁魏時通焉云卽古肅慎之國也周武王及成王時皆貢楛矢石弩楛音戶爾後千餘年雖秦漢之盛莫能致也常道鄉公景元末來貢獻楛矢石弩弓甲貂皮之屬其國在不咸山北在夫餘東北千餘里濱大海南與北沃沮接不知其北所極廣袤數千里袤莫土地多山險車馬不通人形似夫餘而言語各異有五穀牛馬麻布出赤玉好貂所謂挹婁貂是也無君長其邑落各有大人處於山林之間土氣極寒常爲穴居以深爲貴大家接至九

梯好養豕食其肉衣其皮冬以豕膏塗身厚數分以禦
風寒夏則裸袒以尺布蔽其前後其人臭穢不潔作廁
於中園之而居無文墨以言語爲約坐則箕踞以足挾
肉啖之得凍肉坐其上令溫煖土無鹽鉄燒木作灰灌
之取汁而食俗皆編髮將嫁娶男以雉羽插女頭女和
則持歸然後致禮聘之婦貞而女淫貴壯而賤老死者
其日卽葬之於郊野交木作小椁殺猪積其上以爲死
者之糧性凶悍以無憂哀相尚父母以死男女不哭泣有
哭者謂之不壯相盜竊無多少皆殺之雖野處而不相
犯有石磬皮骨之甲國東北有山出石其利入鐵將取

之必先祈神其人衆雖少而多勇力處山險又善射弓
長四尺力如弩矢用楛長尺八寸青石爲鏃鏃皆施毒
中人卽死隣國畏其弓矢卒不能服也便乘船好寇盜
隣國患之東夷飲食類皆用俎豆唯挹婁獨無法俗最
無綱紀至晉元帝初又詣江左貢其石磬至成帝時通
貢於石季龍四年方達季龍問之答曰每候牛馬向西
南臥者三年矣是知有大國所在故來焉

勿吉 又曰靺鞨

勿吉後魏通焉在高句麗北亦古肅慎國地邑落各自
有長不相總一凡七種其一號栗末部與高麗相接二

曰汨咄都勿反部在栗末之北三日安車骨部在汨咄東
 北四日拂涅音部在汨咄東五日號室部在拂涅東六
 日黑水部在安車骨西北七日白山部在栗末東南勝
 兵各數千而黑水部尤為勁健自拂涅以東矢皆石鏃
 長二寸所居多依山水渠帥曰大莫拂瞞莫干反咄東夷
 中為強國諸國皆患之其國有大水濶三里餘名速末
 水其地卑下濕築堤鑿穴以居室形似塚開口於上以
 梯出入無牛有車馬佃則偶耕車則步推有粟及麥稌
 菜則有葵水氣鹹凝鹽生樹上亦有鹽池多猪無羊嚼
 米醞酒飲能致醉婦人則布裙男子衣猪皮其裘頭插

虎豹尾善射其父母春夏死立埋之塚上作屋不令雨
 濕若秋冬死以其屍餽貂貂食其肉則多得之俗以溺
 洗手面於諸夷最為不潔孝文延興中其王遣乙力支
 朝獻乙力支稱初發其國乘船溯溯音難河西上至大
 瀾瀾音麗河沉船於水南出陸行渡洛孤水從契丹西界
 達和龍乙力支還從其來道取得本乘船達其國焉隋
 文帝初靺鞨國有使來獻謂即勿吉也勿吉與靺鞨音相近西北
 與契丹接每相劫掠與中華懸隔唯栗末白山為近煬
 帝初其渠帥突地稽率其部來降居之柳城遼東之役
 突地稽率其徒以從每有戰功從帝幸江都尋放歸柳

乾隆十二年校刊

通鑑卷之六

城今郡大唐聖化遠被鞞鞞國頻使貢獻詳考傳記挹婁勿吉靺鞨俱肅慎之後裔

扶桑

扶桑南齊時聞焉廢帝永元初其國有沙門慧深來至荆州說云扶桑在大漢國東二萬餘里地在中國之東其土多扶桑木葉似桐初生如笋國人食之實如梨而赤績其皮為布以為衣亦為錦作板屋無城郭有文字以扶桑皮為紙無兵甲不攻戰名國王為乙祁貴人第一者為大對盧第二者為小對盧第三者為納咄沙國王行有鼓角導從其衣色隨年改易甲乙年青丙丁年

赤戊己年黃庚辛年白壬癸年黑有牛角甚長以角載物至勝二十斛車有馬車鹿車國人養鹿如牛以乳為酪有赤梨經年不壞多葡萄其地無鐵有銅不貴金銀市無租估其婚姻法大抵與中國全親喪七日不食祖父母喪五日不食兄弟伯叔姑姊妹三日不食設坐為神像朝夕拜奠不制縗經嗣王立三年不視國事有宋孝武帝大明二年剡賓國有比丘五人遊行至其國始通佛法像教

女國

女國慧深云在扶桑東千餘里其人容貌端正色甚潔

白身體有毛髮長委地至二三月競入水則妊娠六七月產子女人胷前無乳項後生毛根白毛中有汁乳子百日能行三四年則成人矣見人驚避偏畏丈夫食鹹草如禽獸鹹草葉似邪蒿而氣香味鹹梁武帝天監六年有晉安人渡海爲風所飄至一島登岸有人居女則如中國人而言語不可曉男則人身而狗頭其聲如犬吠其食有小豆其衣如布築土爲牆其形圓其戶如竇

文身

文身梁時聞焉在倭國東北七千餘里人體有文如獸其額上有三文文大直者貴文小曲者賤土俗歡樂物豐而賤行客不齋糧有屋宇無城郭國王所居飾以金銀珍麗繞屋爲塹廣一丈實以水銀雨則流於水銀之上市用珍寶

大漢

大漢梁時聞焉在文身國東五千餘里無兵戈不攻戰風俗並與文身國全而言語異

琉球

琉球自隋聞焉居海島之中當建安郡東關川水行五日而至土多山洞其王姓歡斯名渴刺堯不知其由來有國代數也彼土人呼之爲可老羊妻曰多拔茶所居

日波羅檀洞塹柵三重環以流水樹棘爲藩王所居舍
其大十六間彫禽刻獸多鬪鏤樹似橘而葉密條纖如
髮紛然下垂國有四五帥統諸洞洞有小王往往有村
村有鳥了帥並以善戰者爲之自相立理一村之事男
女皆以白紵繩纏髮從頭後盤繞婦人以羅紋白布爲
帽織鬪鏤皮并雜色紵及雜毛以爲衣製裁不一織藤
爲笠飾以毛羽兵有刀稍弓箭劍鉞之屬編紵爲甲或
以熊豹之皮王乘木獸令人輦之而行導從不過數十
人國人好相攻擊人皆驍健善走難死而耐瘡諸洞各
爲部隊不相救助兩陣相當勇者三五人相擊射如其

不勝一軍皆走遣人致謝即共和解收取鬪死者共聚
而食之食皆用手無賦斂有事則均稅俗無文字視月
虧盈以紀時節候草枯以爲年歲人深目長鼻頗類於
胡人縱年老髮多不白無君臣上下之節拜伏之禮父
子同牀而寢婦人產乳必食子衣以木槽暴海水爲鹽
木汁爲酢釀米麴爲酒遇得異味先進尊者凡有宴會
執酒者必待呼而後飲上王酒者亦呼王名銜杯共飲
頗全突厥歌呼蹋蹄一人唱衆人皆和音頗哀怨其死
者氣將絕舉於庭浴其屍以布帛纏之裹以葦席襯土
而殯上不起墳子爲父者數月不食肉有熊羆豺狼尤

多猪雞無牛羊驢馬厥田良沃先以火燒而引水灌之
 持一插以石為刃長尺餘濶數寸而墾之土宜播種樹
 木有同於江表氣候與嶺南相類俗事山海之神祀以
 酒殺鬪戰殺人便將所殺人祭其神煬帝大業初海師
 何蠻等云每春秋二時天清氣靜東望依稀似有烟霧
 之氣亦不知幾千里三年帝令羽騎尉朱寬入海求訪
 異俗得何蠻遂與俱往因到琉球國言不相通掠一人
 并取其布甲而還時倭國使來朝見之曰此夷邪久國
 人所用也帝遣虎賁郎將陳稜朝請大夫張鎮州率兵
 自義安今潮陽郡浮海擊之至琉球初稜將南方諸國人從

軍有崑崙人其解其語遣人慰諭之琉球不從拒進官
 軍稜擊走之進至其都頌戰皆敗毀其宮室虜其男女
 數千人而還

閩越

閩越王無諸按說文云閩東越地種故字從門虫及越東海王搖者其先
 皆越王勾踐之後也姓騶氏秦已并天下皆廢為君長
 以其地為閩中郡今閩州盡是也及諸侯叛秦無諸及搖率越
 人佐漢擊項籍漢五年復立無諸為閩越王王閩中故
 地都東冶今長樂郡地孝惠三年舉高帝時越功少閩君搖
 功多乃立搖為東海王都東甌今永嘉郡時俗號為東甌王

乾隆十二年校刊

通鑑卷一百一 邊防二

至孝景三年吳王濞反吳破東甌受漢之購殺吳王吳
王之子子駒子華亡走閩越怨殺其父常勸閩越擊東
甌至武帝建元三年閩越發兵圍東甌乃遣莊助以節
發兵會稽遂浮海救東甌未至閩越引去東甌請舉國
徙中國仍率其衆四萬餘人處江淮之間至六年閩越
擊南越上遣大行王恢出章郡今章郡臨川南大司農
韓安國出會稽今吳郡餘杭會稽餘姚東陽兵未踰嶺
閩越王郢發兵距險其弟餘善殺王郢使人謝罪天子
詔罷兵曰郢等首惡獨無諸子絲君絲邑號丑不同謀焉
乃立升爲越繇王奉閩越祀餘善已殺郢威行於國天

子聞之爲餘善不足復興師曰餘善數與郢謀亂而後
首誅郢師得不勞因立餘善爲東越王與繇王並處至
元鼎五年南越反餘善上書請以卒八千從樓船將軍
擊呂嘉等兵至揭陽今潮陽郡以海風波爲辭不行持兩端
是時楊僕上書願便引兵擊東越帝以士卒勞倦不許
罷兵令諸校留屯章郡梅嶺今南康郡虔化縣界待命六年秋餘
善聞樓船請誅之漢兵臨境乃遂反遣兵入梅嶺殺漢
校尉帝遣橫海將軍韓說自句章今餘姚郡浮海從東方往
樓船將軍楊僕出武林中尉王溫舒出梅嶺元封元年
冬咸入東越繇王居股殺餘善降於是天子曰東越陋

多阻閩越悍數反覆詔徙其人處江淮間東越地遂虛
即今閩川地也謂封餘善為東越王遂謂之東越

通典卷第一百八十六

通典卷第一百八十七

唐 京 兆 杜 佑 君 卿 纂

邊防三

南蠻上

序畧

南蠻其在唐虞與之要質故曰要服夏商之時漸為邊
患暨於周代黨眾彌盛故詩曰蠢爾蠻荆大邦為讎至
楚武王時蠻與羅子共敗楚師殺其將屈瑕莫敖不設備故敗繼
於荒谷羣帥因於治父楚師後振遂屬於楚及吳起相悼王南并
蠻越遂有洞庭蒼梧之地今長沙衡陽等郡地秦昭王使將伐楚

畧取蠻夷置黔中郡今武陵澧陽及黔中五溪諸郡地漢興以後時有

寇盜其西南諸夷夜郎之屬悉平定置郡縣今夜郎播

郎地古夜郎地公孫述時夜郎大姓為漢保境後漢初從番禺江

奉貢光武建武中武陵蠻帥單程今武陵澧陽黔中寧

郡大寇郡縣漢將劉尚戰敗數歲方平順帝時武陵太

守增其租賦蠻又舉種反殺鄉吏東晉時沔中蠻因劉

石亂後漸徙於陸渾以南徧滿山谷宋齊以後荆雍三

州荆州今江陵郡 雍州今襄陽郡各置校尉以撫寧之郡蠻酋帥互受

南北朝封爵至後魏末暴忠滋甚僭稱侯王屯據峽路

斷絕行旅周武帝遣陸騰大破之其獠初因蜀李勢亂

後自蜀漢山谷出侵擾郡縣至梁時州郡每歲伐獠以

自利及後周平梁益梁漢川 益蜀川自爾遂同華人矣以其黔

中東謝西趙自古不臣中國大唐貞觀以後置羈縻州

領之

盤瓠種

盤瓠種昔帝嚳時患犬戎入寇乃訪募天下有能得犬

戎之將軍頭者妻以少女時帝有畜狗名曰盤瓠遂銜

其將軍首而至乃以女配之按范曄後漢史蠻夷傳皆

四夷亦多此類未詳其本出且因而商畧之曄云高辛

氏募能得犬戎之將軍頭者購黃金千鎰邑萬家妻以

少女按黃金周以前為斤秦以二十兩為鎰三代以前

分土自秦漢分人又周末始有將軍之官其吳姓宜自

乾隆十二年校刊

邊防三

二

周命氏曄皆以為高辛之代何不詳之甚又按宋史曄
被收後於獄中與諸甥姪書自序云六夷諸序論筆勢
放縱實天下之奇作其中合者往往不減過秦篇嘗共
比方班氏非但不愧之而已按班賈序事豈復語怪而
曄紕繆若此又何盤瓠得女負走入南山在國之南即
五溪之中山
止石穴中生六男六女因自相夫妻織績木皮染以草
實好五色衣服製裁皆有尾形衣裳斑蘭語言侏離其
後滋蔓號曰蠻夷有邑君長名渠帥曰精夫相呼為媿
徒說文曰媿女人自
稱媿我也烏郎反所居皆深山重阻人跡罕至長沙
黔中五溪蠻皆是也一辰溪二酉溪三巫
溪四武溪五沅溪秦昭王使白
起伐楚畧取蠻夷始置黔中郡漢興改為武陵郡今武
陵澧
陽黔中寧夷瀘溪瀘陽
靈溪潭陽郡地皆是也歲令大人輸布一疋小口二丈

是謂竇布說文曰竇南
蠻賦才冬反雖時為寇盜而郡國討平之後

漢光武建武二十三年十二月武陵蠻精夫相單程等

大寇郡縣遣武威將軍劉尚發南郡今江陵巴
東夷陵長沙今

沙衡陽武陵今澧陽武
陵黔中郡地兵萬餘人乘船泝沅水入武

溪擊之沅水出牂牁故且蘭東北經靈溪長沙巴
陵入洞庭通江也武溪在今瀘溪郡靈溪縣尚

輕敵深入悉為所沒又遣伏波將軍馬援將兵至臨沅

今武陵郡武陵縣
即漢臨沅縣也擊破之單程等饑困乞降會援病卒

謁者宗均為置吏以司之羣蠻遂平歷章和安順四朝

累反叛攻劫州郡討平之永和初武陵太守上書以蠻

夷率服可比漢人增其租賦議者皆以為可尚書令虞

詡獨奏曰自古聖王不臣異俗非德不能及威不能加其獸心貪婪難率以禮是故羈縻而綏撫之附則受而不逆叛則棄而不追先帝舊典貢稅多少所由來久矣今猥增之必有怨叛計其所得不償所費帝不從其冬

澧中澧中蠻

澧水出今澧陽郡縣澧音婁

果爭布非舊約遂殺鄉吏

舉種反自後至桓靈二帝又累反叛攻劫州郡討破之

蜀先主章武初吳將李異屯巫秭歸

今巴東郡縣秭音子

先主遣

將軍吳班攻破之於是武陵五溪蠻夷相率響應

今黔中道

謂之五谿

廩君種

廩君種不知何代初巴氏樊氏暉音審氏相氏鄭氏五姓

皆出於武落鍾離山

在今夷陵郡巴山縣

其山有赤黑二穴巴氏

之子生於赤穴四姓之子皆生黑穴未有君長共立巴

氏子務相是為廩君從夷水下至鹽陽

按今夷陵郡巴山縣清江水一

名夷水一名鹽水其源出清江郡清江縣西都亭山

廩君於是君乎夷城四姓皆

臣之巴梁間諸巴皆是也

即巴漢之地按范曄後漢史云四姓之子未有君長俱事

鬼神乃共擲劍於石穴約能中者奉以為君務相乃獨中之又令各乘土船約能浮者當以為君餘姓悉沉唯務相獨浮因共立之是為廩君乃乘土船從夷水下至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿詰朝即化為蟲與諸蟲羣飛掩蔽日光天地晦冥積十餘日廩君伺其便因射殺之天乃開明廩君於是居于夷城四姓皆臣之廩君死魂魄化為白虎巴氏以虎飲人血故以人祠焉是皆

乾隆十二年校刊

通鑑卷一百一十七 邊防三

怪誕以戰國時秦惠王并巴中以巴氏為蠻夷君長其

人歲出賦二千一十六錢三歲一出義賦千八百錢其

人戶出帛布八丈二尺雞羽三十錐說文曰帛布南郡蠻夷布也帛音公

亞反毛詩四錐既均儀禮錐矢一乘鄭元曰錐猶候也候物而射之三十錐百二十也錐音侯漢興南

郡太守靳强奏請一依秦時故事至光武建武二十三

年南郡奏涪山蠻雷遷等始反叛涪音屠武威將軍劉尚

討破之徙其種人七千餘口置江夏界中其後沔中蠻

是也漢之江夏郡今竟陵富水安陸齊安漢陽江夏新蔡郡地是也和帝永元十三年

巫蠻許聖等漢之巫縣今雲安郡巫山縣也以郡收稅不均反叛發荆

州諸郡兵今江陵夷陵澧陽武陵長沙衡陽等郡地也討破之復悉徙置江

夏靈帝光和三年江夏蠻復反寇患累年廬江太守陸

康討破之漢廬江即今郡地

板楯蠻

板楯蠻秦昭襄王時有一白虎於蜀巴漢之境傷害千

餘人昭王乃募有能殺虎者賞邑萬家時有巴郡閬中

夷今閬中郡縣廖仲等射殺白虎昭王以其夷人不欲加封

乃刻石盟要復夷人頃田不租十妻不算一戶免其一頃田之租稅

雖有十妻不輸口算之錢傷人者論殺人得以賧錢贖死何承天纂文曰賧蠻

夷贖罪貨也賧徒濫反盟曰秦犯夷輸黃龍二雙夷犯秦輸清酒

一鍾夷人安之至漢高帝為漢王發夷人還伐三秦今關

中秦地秦地既定乃遣還巴中復其渠帥羅朴督鄂度夕

龔七姓不輸租賦餘戶乃歲入口錢四十巴人呼賦為

賓謂之賓人焉代號為板楯蠻夷閩中有渝水其人多

居水左右天性勁勇初為漢前鋒數陷陣俗喜歌舞喜虛

記反高帝命樂人習之所謂巴渝舞也遂代代服從至後

漢以後郡守常率以征伐靈帝光和三年巴郡板楯蠻

叛今通川潯山南平涪陵南川清化雲安始寧巴川南

賓南浦閩中南充安岳盛山等郡地則巴川之地是也

寇掠三蜀及漢中諸郡即漢川諸郡今漢中安靈帝

乃問益州計吏方畧漢中計吏程苞對曰板楯七姓以

射殺白虎立功先代復為義人其人勇猛善戰昔安帝

永初中羌入漢川郡縣破壞得板楯救之羌死敗殆盡

故號為神兵至桓帝建和二年羌復大入實賴板楯連

摧破之前車騎將軍馮緄南征武陵緄古本反亦倚板楯以

成其功近益州郡縣亂今漢川蜀川郡縣地太守李顯之亦以板

楯討而平之忠功如此本無惡心但長吏鄉亭更賦至

重僕役箠楚過於奴虜闕庭悠遠不能自聞含怨呼天

叩心窮谷故邑落相聚以致叛戾非有謀主僭號以圖

不軌今但遣明能牧守自然安集不煩征伐也帝從其

言遣太守曹謙宣詔赦之即皆降服及漢末天下亂自

巴西之宕渠今符陽郡遷於漢中楊車坂抄掠行旅號為楊

乾隆十二年校刊
邊防三

車巴魏武克漢中李特祖將五百家歸之魏武又遷於
 畧陽北復號之為巴氏畧陽今天水郡隴城縣蜀後主劉禪建興
 十一年涪陵屬國人夷反今涪陵郡地車騎將軍鄧芝往討
 皆破平之其沔中蠻至晉時劉石亂後漸得北遷陸渾
 以南滿於山谷宋時荊州置南蠻校尉今江陵郡巴東夷陵雲安等郡地
 雍州置寧蠻校尉以領之今襄陽南陽郡地如蠻人順附者
 一戶輸穀數斛其餘無事宋人賦役嚴苦貧者不復堪
 命多逃亡入蠻蠻無徭役強者又不供官稅結黨連羣
 動有數百千人州郡力弱則起為盜賊種類稍多戶口
 不可知也文帝元嘉中天門今澧陽郡地澧中令宋矯之徭

賦過重蠻不堪命蠻田向求等為寇破澧中虜掠百姓
 及劉道產善撫諸蠻前後不附官者莫不順服皆引出
 平土多緣沔為居道產亡後蠻又反叛孝武帝出為雍
 州時巴東今巴東郡建平今巴郡宜都今夷陵郡天門四郡蠻為寇
 諸郡人戶流散百不存一孝武即位後大明中西陽蠻
今弋陽郡皆反叛沈慶之率江雍荆河州諸軍討破之江今壽陽
鄱陽章郡臨川廬陵等郡地巴具上荆河今廬江同安郡地雍明帝順帝時尤甚雖遣
 攻討終不能禁荊州為之虛弊齊高帝時武陵西溪蠻
 田思飄武帝永明初黔陽蠻田豆渠武陵黔陽皆今五溪中地湘川
 蠻陳雙李答並寇掠州郡討平之湘川今長沙衡陽地其後雍司

州蠻司州今義陽弋陽郡與後魏通助荒人桓天生侵擾齊境六

年除田駟路為試守北遂安左郡太守田驢王為試守

宜人左郡太守田何代為試守新平左郡太守皆郢州

蠻帥並漢沔間蠻也其左郡亦茲地焉郢州今江夏漢陽郡地後魏孝文太和中襄

陽蠻會雷婆恩率戶千餘內徙求居太和川詔給廩食

後開南陽全有沔北之地今武當南陽漢東等郡蠻人安堵不為

寇賊宣武帝景明初大陽蠻酋田育邱等共二萬八千

戶叛齊附魏詔置四郡十八縣魯陽蠻今臨汝郡魯北魯山縣地

鷲等聚眾萬餘攻逼潁陽詔遣左衛將軍李崇討平之

斬級數千徙萬餘家於河北諸州及六鎮等叛南走六鎮

今單于府馬邑郡界所在追討比及於河殺之皆盡梁武帝遣兵

沿沔破掠諸蠻又遣蔡令孫等三將步騎五千侵南荆

之西沿漢上下今襄陽郡之上武當郡以東地破掠諸蠻後魏遣蠻帥

桓叔率蠻夏二萬餘人擊之斬令孫等俘虜二千餘人

其後因六鎮秦今天水隴今汧陽郡地所在反叛荆今南陽淮安郡

地郢今汝南義陽郡蠻大擾動斷三鴟路今南陽郡向城縣北至臨汝郡至於

襄城今臨汝郡縣汝水處處抄劫百姓多被其害自後魏與

宋齊梁之時淮汝江漢間諸蠻渠帥互有所屬皆授封

爵焉及魏末為暴滋甚有冉氏向氏田氏者毗落尤盛

大者萬家小者千戶更相崇樹僭稱王侯屯據三峽斷

乾隆十二年校刊

過水路荆蜀行人至有假道者西魏文帝大統十一年
汚漢諸蠻擾動大將軍楊忠擊破之其唐州蠻田魯嘉
亦叛唐州今淮安郡自號荆河州伯遣王雄討平之後周明帝
時蠻帥冉令賢向五子王等反攻陷白帝今雲安郡武帝天
和初詔開府陸騰討斬之蠻眾大潰斬首萬餘級騰乃
積其骸骨於水邏城側為京觀後蠻蠻見者輒大號哭
自此狼戾之心輟矣信州舊理白帝騰更於蜀先主故
城南八陣之北臨江岸築城移置信州又以巫縣信陵
秭歸今雲安巴東二郡界並是硤中要險於是築城置防以為襟
帶焉按後漢史其在黔中五溪長沙間則為盤瓠之後其在硤中巴梁間則為廩君之後其後種落繁盛

侵擾州郡或移徙交雜亦不可得詳別焉

南平蠻

南平蠻北與涪州接部落四千餘戶山有毒草及沙蟲
蝮蛇人並樓居登梯而上號為干欄其人美髮為椎髻
土多女少男為婚之法女氏必先貨求男族貧人無以
嫁女多賣與富人為婢俗皆婦人執役其王姓朱氏號
為劍荔王○大唐貞觀三年遣使入朝以其地隸渝州

東謝

東謝渠帥姓謝氏南蠻別種在黔中之東地方千里其
俗無文字刻木為約巢居刀劍不離其身冠熊皮披猛

獸革酋長名元深代襲其一族不育女云高姓不可下
嫁○大唐貞觀三年元深入朝冠烏熊皮冠若今之旄
頭以金絡額身披毛帔韋皮行膝而著履貞觀中開其
地為應州隸黔州都督府今黔中郡所管羈縻州

西趙

西趙蠻在東謝之南並南蠻別種其界東至夷子西至
昆明南至西洱河山洞深阻莫知里數南北十八日行
東西二十三日行風俗與東謝同趙氏代為酋長有萬
餘戶自古不臣中國○大唐貞觀三年遣使入朝二十
一年以其地置朝州以首領趙唐為刺史

牂牁

牂牁渠帥姓謝氏舊臣中國代為本土牧守隋末大亂
遂絕○大唐貞觀中曾遣使修職貢勝兵戰士數萬於
是列其地為牂州今黔中郡羈縻州

充州

充州牂牁別部與牂牁隣境勝兵二萬今黔中郡羈縻州亦貞
觀中朝貢列其地為充州

獠

獠蓋蠻之別種徃代初出自梁益之間自漢中達於邛
笮川谷之間所在皆有此自漢中西南及越嶲俗多不

乾隆十二年校刊

通鑑卷之三 邊防三

辨姓氏又無名字所生男女長幼次第呼之其丈夫稱阿暮阿改婦人阿夷阿等之類皆其語之次第稱謂也依樹積木以居其上名曰干欄干欄大小隨其家之口數徃徃推一酋帥爲主亦不能遠相統攝父死則子繼若中國之黨族也獠王各有鼓角一雙使其子弟自吹擊之好相殺害多仇怨不敢遠行性同禽獸至於忿怒父子不相避唯手有兵刃者先殺之若殺其父走避於外求得一狗以謝其母然後敢歸母得狗謝不復嫌恨若報怨相攻擊必殺而食之遞相劫掠不避親戚賣如猪狗而已亡失兒女一哭便止被賣者號叫不服逃竄

避之乃將買人捕逐若亡叛獲便縛之但經被縛者卽服爲賤隸不敢更稱良矣唯執楯持矛不識弓矢用竹爲簧羣聚鼓之以爲音節爲紉布色至鮮淨大狗一頭買一生口性尤畏鬼所殺之人美鬚髯者必剝其面皮籠之於竹及燥號之曰鬼鼓舞祀之以求福利俗尚淫祀至有賣其昆季妻孥盡者乃自賣以供祭焉鑄銅爲器大口寬腹名曰銅爨旣薄且輕易於熟食蜀本無獠李勢時諸獠始出巴西渠川廣漢陽安資中犍爲梓潼今蜀川之內布在山谷十餘萬落攻破郡縣爲益州大患自桓温破蜀之後力不能制又蜀人東流山險之地多空

獠遂夾山傍谷與人叅居叅居者頗輸租賦在深山者仍爲匪人至梁武帝梁益二州今漢川蜀川郡縣地歲歲伐獠以自裨潤公私頗籍爲利後魏宣武帝正始初將夏侯道遷舉漢中附魏宣武帝遣尚書邢巒爲梁益二州刺史以鎮之其後以梁益二州控攝險遠乃立巴州在今清化郡以統諸獠後以巴酋帥嚴始欣爲刺史又立隆城鎮隆城所管獠二十萬戶所謂北獠也歲輸租布魏明帝孝昌初據城叛入梁益二州並遣將討之攻陷巴州執始欣斬之後梁州爲梁氏所陷今漢中郡自此又屬梁矣後周武帝平梁達奚武益尉遲迥平之令所在撫慰其與華人雜

居者亦頗從賦役然天性暴亂旋致擾動每歲命隨近州鎮出兵討之獲其生口以充賤隸謂之壓獠焉復有商旅往來者亦資以爲貨公卿達於人庶之家有獠口者多矣其種類滋蔓保據巖壑依林走險若履平地性又無知殆同禽獸諸夷之中最難以道義招懷也

夜郎

夜郎國今夜郎播川犍爲郡卽其國漢時西南夷君長以十數夜郎

最大在蜀郡徼外東接交趾西隣滇國今雲南郡滇國其國隣

牂牁江江廣數里出番禺城下戰國時楚項襄王遣將莊躋從沅水伐夜郎軍

至且蘭牂船於岸而步戰既滅夜郎因留王滇池以且蘭有牂船牂牁處乃改其名爲牂牁船牁也番

乾隆十二年校刊

邊防三

禺即今南海郡城南江杙音其地多雨潦俗好巫鬼禁忌寡畜產又

無桑蠶故最貧鉤町有桄榔木可以為麵百姓資之鉤

漢以為縣屬牂牁郡武帝時唐蒙上書曰竊聞夜郎

精兵可得十餘萬浮船牂牁江出不意此制南越奇兵

也乃拜蒙為郎中遂見夜郎侯蒙厚賜諭以威德夜郎

貪漢繒帛以為漢道險終不能有也乃且聽蒙約還報

乃以為犍為郡今犍為陽安仁壽通發巴巴郡今通川

已具蜀卒蜀郡今蜀郡蒙陽唐安臨理道自犍道指牂

牁江蜀人司馬相如亦言西夷邛笮可置郡今越雋帝

使相如往諭皆如南夷為置一都尉十餘縣屬蜀郡當

是時巴蜀四郡漢中廣漢巴郡今漢通西南夷道戍轉

相讓古餉數歲道不通土罷餓離濕罷音疲死者甚眾

夷又數反發兵興擊耗費無功帝患之使公孫引往視

問焉還言其不便時方築朔方據河逐胡弘因數言西

南夷為害通西南夷可且罷專力事匈奴上罷西夷獨

置南夷兩縣一都尉及元狩元年張騫言使大夏時見

蜀布邛竹杖問所從來曰從東南身毒國即天竺也可數千

里得蜀賈人市或聞邛西可二千里有身毒國於是乃

令王然於間出西南夷往身毒國至滇道皆為昆明所

閉昆明在今越莫能通身毒及南越反上使發南夷兵

乾隆十二年校刊 邊防三 十三

且蘭君小邑乃與其眾反漢發巴蜀校尉擊破之遂平

南夷為牂牁郡今涪川夜郎義泉郡地夜郎侯始倚南越越滅恐

懼遂入朝封為夜郎王昭帝始元中牂牁談指同並等

二十四邑八三萬餘人皆反並音伴談指同並後遣水皆為縣屬漢牂牁郡

衡都尉發蜀郡犍為兵擊牂牁大破之後姑繒葉榆人

復反鉤町侯亡波率其人擊之有功漢立亡波為鉤町

王至成帝河平中夜郎王興與鉤町王禹漏卧侯俞漏

侯邑名後為縣屬漢牂牁何更舉兵相攻牂牁太守請發兵誅興等漢

以道遠不可擊遣太中大夫張匡持節和解並不從杜

欽說王鳳曰張匡和解蠻夷王侯王侯不從不憚國

其效可見恐議者選更復守和解選更怯懦不前之意選息究反更人究反

太守察動靜有變廼以聞如此則復曠一時曠空也一時三月言

空廢一時不早發兵王侯得收獵其眾申固其謀黨助眾多各不

勝忿必相殄滅自知罪成狂犯守尉言起狂悖之遠藏心而殺守尉

温暑毒草之地雖有孫吳之將賁育之士若入水火往

必焦及智勇俱亡所設施屯田備守之費不可勝量宜

因其罪惡未成未疑國家加誅陰勅旁郡守尉練士馬

大司農先調穀積要害處調發也要害者在選任職太

守往以秋涼時入誅其王侯尤不軌者即以為不毛之

地亡用之人聖王不以勞中國即猶若也不毛言不生草木宜罷郡

放棄其人絕其王侯勿復通如以先帝所立累代之功不可墮壞亦宜因其萌芽早斷絕之及已成形然後師興則萬姓被害矣鳳於是薦陳立為牂牁太守立至牂牁廼從吏數十人出行縣召興與將數千人往立數責因斷興頭出曉其眾皆釋兵降興子邪務收餘兵迫脅旁二十邑反立又擊平之公孫述時大姓龍傳尹董氏與郡功曹謝暹保境為漢乃遣使從番禺江奉貢番禺江今南海光武嘉之並加褒賞桓帝時郡人尹珍乃從汝南許慎應奉受經書學成還鄉里教授自是南域始有學焉珍官至荊州刺史後漢史云有女子浣於遯水有三節大竹流入足間剖之得一男兒

養之及長自立為夜郎侯以竹為姓武帝元鼎中置牂牁郡夜郎侯迎降天子賜其王印綬後遂殺之夷獠咸以竹王非血氣所生甚重之求為立後牂牁太守吳霸乃引華陽國志又按漢書其夜郎侯封王不言殺之至成帝時猶謂之夜郎王暉焉得云竹王被殺後封其子為侯與班史全乖反用華陽國志為怪詭也大抵范曄著述多稱詭異若無他書何以辯正則因習纂錄不復刊

滇

滇者漢時在夜郎之西靡莫之屬滇最大靡莫西南徼外蠻也滇音顛始楚頃襄王使將軍莊躋躋即莊王之苗裔居略反將兵循江上略巴黔以西巴國今清化始寧咸安符陽巴川南賓南浦是其地也黔即黔中躋至滇池方三百里在今雲南郡其澤在西北水源深廣末更淺狹如倒流故曰滇池旁平地

乾隆十二年校刊

邊防三

十五

肥饒數千里池旁之地以兵威定屬楚欲歸報會秦擊楚巴

黔中郡道塞不通因西以其眾王滇變服從其俗以長

之為其長帥也按史記及漢書皆云楚威王時使莊躡

略巴黔以西至滇池欲歸會秦奪楚巴黔中郡因以

其眾王滇後十餘歲秦滅之又按楚自威王後懷王立

三十年至頃襄王之二十二年秦昭襄王遣兵攻楚取

巫黔中郡地後漢史則云頃襄王時莊豪王滇豪即躡

也若莊躡自威王時將兵略地屬秦陷巫黔中郡道塞

不還凡經五十二年豈得如此淹久或恐史記謬誤班

生因習便書范曄所記詳考為正又按莊躡王滇後十

五年頃襄王卒考烈王立二十五年幽王立十年王負

芻立五年而楚滅後十五年而秦亡凡七十年何故云

躡之王滇後十餘歲而至武帝時滇王有眾數萬人元

秦亡斯又未之詳也

封二年發巴蜀兵臨滇滇王舉國降請置吏入朝於是

以為益州郡今雲南郡賜滇王王印長復其人武帝割併

昆明地皆以屬之西南夷君長以百數獨夜郎滇受王

配之後數年復并

印滇小邑也最寵焉後王莽篡位改漢制貶鉤町王為

侯蠻夷盡反莽遣平蠻將軍馮茂發巴蜀犍為吏士賦

取足於人以擊益州出入三年疾疫死者什七巴蜀騷

動更遣寧始將軍廉丹大發天水隴西騎士廣漢蜀犍

為吏人十萬轉輸者合二十萬人擊之不能尅而還公

孫述據益土文齊為太守亦固守拒述後漢初遣使朝

謁建武十八年夷渠帥棟蠶與姑復葉榆栢棟連然滇

池建伶昆明諸種反叛殺長吏漢姑復縣屬越雋郡餘

在今越雋雲南郡地遣武威將軍劉尚等發廣漢犍為蜀人及朱

提夷擊之尚軍遂渡瀘水入益州郡界

瀘水一名若水旄牛徼外經亦

提至棘道入江在今羣夷聞大兵至皆棄壘奔走尚獲

其羸弱穀畜斬棟蠶帥凡首虜萬餘人諸夷悉平至蜀

後主建興二年諸葛孔明率眾南征四郡平之改益州

郡為建寧分建寧永昌

今雲南郡地

為雲南郡又分建寧牂

牂為興古郡

亮至南中所戰皆捷孟獲者為夷漢所服募生致之既得使觀於營陣之間問曰此

軍何如獲曰不知虛實故敗定易勝耳亮縱使更戰七

縱七擒而亮猶遣獲不去曰公天威也南人不復反

矣遂至滇池南中平皆即其渠率而用之或以諫亮亮

曰若留外人即留兵兵留即無食一不易也夷新傷破

父兄死喪留外人而無兵者必成禍患二不易也又夷

累有廢殺之罪自嫌豈重若留外人終不相信三不易

也今吾欲使汝不留兵不運糧

而綱紀粗定夷漢相安故耳

印都

印都漢時自滇以北君長十數印都最大今越雋郡本其地自

夜郎滇印都人皆椎髻左衽邑聚而居知耕田其外西

曰桐師以東北至葉榆葉榆名為雋昆明雋即今越雋郡昆明又在

西南諸地方數千里無君長辮髮隨畜遷徙無常武帝

開以為印都縣屬越雋郡無幾而地陷為汗澤因名為

印池南人以為印其其人後復反叛元鼎六年漢兵自

越雋水伐平之雋源出今越雋郡一曰南雋山下其土地平原有稻田

俗多遊蕩而喜謳詠畧與牂牁相類豪帥放縱難得制

御王莽時郡守牧牧根太調印人長貴以為軍侯更

乾隆十二年校刊

百集卷之三 邊防三

三

始二年長貴攻殺收根自立為邛穀王至光武因就封之授越雋太守印綬後劉尚擊益州夷路由越雋長貴聞之即聚兵欲襲尚尚掩長貴誅之徙其家屬於成都安帝時永昌益州蜀郡夷並今雲南郡皆叛眾十餘萬破壞二十餘縣益州刺史張喬乃遣從事楊竦將兵至葉榆破之渠帥三十六種皆來降附竦因奏長吏姦猾侵犯蠻夷者九十人皆滅死論

笮都

笮都者漢時自越雋以東北君長以十數徙建漢為縣屬蜀郡笮都縣其人被髮左衽言語多

好譬類居處略與汶山夷同

汶山夷在蜀郡西北即冉駝也今通化郡

元鼎

六年以為沉黎郡

今洪源郡

至天漢四年并蜀為西部置兩

部尉一居旄牛主徼外夷一居青衣主漢人

旄牛青衣並今蜀郡

之後漢明帝永平中益州刺史未輔慷慨有大畧宣示

漢德威懷遠夷自汶山以西前代不至正朔所不加白

狼槃木唐敢等

敢阻留反

百有餘國戶百三十餘萬舉種奉

貢稱為臣僕和帝永光十二年旄牛徼外白狼樓薄蠻

夷王唐繪等遂率種十七萬戶口內屬安帝永和元年

蜀郡三襄種夷與徼外汗澣種反叛攻蠶陵城

蠶陵漢縣今臨

翼郡地在蜀郡之西汗音烏澣呼五反

殺長吏二年青衣道夷邑長令田

乾隆十二年校刊

通鑑卷一百一十七

邊防三

九

令姓田與徼外三種夷三十一萬口舉土內屬後旄牛
名也夷叛攻零關零關道屬漢越雋即今郡益州刺史張喬與西部尉擊
破之於是分置蜀郡屬國都尉領縣四如太守

冉駝

冉駝漢時自笮以北君長十數冉駝最大其俗土著或
隨畜遷徙在蜀西武帝元鼎六年以為汶山郡今蜀郡西北通
化郡至宣帝地節三年夷人以立郡賦重帝乃省并蜀
郡為北部都尉其山有六夷七羌九氐各有部落其王
侯頗知文書土氣多寒雖在盛夏冰猶不釋皆依山居
止累石為室高者至十餘丈為印籠今彼土夷人呼為彫又土地

剛鹵不生穀粟麻菽唯以麥為資而宜畜牧有旄牛無
角一名犛牛肉重千斤毛可為毼犛徒冬及毼音二出名馬有
羶羊可療毒又有食藥鹿鹿麕有胎者其腸中糞亦療
毒疾又有五角羊其西又有三河槃于虜北有黃石北
地盧水胡其表乃為徼外後漢靈帝時復分蜀郡北部
為汶山郡蜀後主建興十年汶山平康夷反姜維討破
之

附國

附國隋代通焉在蜀郡西北二千餘里即漢之西夷也
有嘉良夷即其東部所居種自相率領不能統一土俗

與附國言語少殊其人並無姓氏其地南北八百里東西四千五百里無城柵近川谷傍山險俗好復讐故疊石為礮而居以避其患其礮與巢字同高至十餘丈下至五六丈狀似浮圖於下級開小門從內上通夜必關閉有二萬餘家弓長六尺以竹為弦妻其羣母及嫂兄弟死父兄亦納其妻好歌舞鼓簧吹長笛有死者無服制置屍於高牀上沐浴衣服以牟甲覆以獸皮子孫不哭帶甲舞劍而呼云我父為鬼所取我欲報寃殺鬼其俗以皮為帽形圓如鉢或戴羃羅衣多毛毳裘毳胡割反全剥牛脚皮為鞞項繫鐵釧王與酋帥金節首胷前懸一金花

徑三寸其土高氣候涼多風少雨土宜小麥青斜山出金銀多白雉水有嘉魚長四尺而鱗細煬帝大業四年其王遣子弟宜林率嘉良夷六十人朝貢嘉良有水濶六七十丈附國水濶百餘丈並南流用皮為舟而濟附國南有薄緣夷風俗亦同西有女國其東北連山綿亘數千里接党項及諸羌按其地接汶山故為附焉

哀牢

哀牢後漢時通焉其先有婦人名沙壹居於牢山嘗捕魚水中觸沉木若有感因懷妊十月產男子後沉木化為龍出水因舐其男之背其母鳥語謂背為九謂坐為

隆因名曰九隆後漸相滋長種人皆刻畫其身象龍文衣皆著尾九隆代代相繼乃分置小王往往邑居散在谿谷絕域荒外山川阻深生人以來未嘗交通中國光武建武中其王賢栗等遂率種人戶二千七百詣越嶲太守鄭鴻降求內屬帝封賢栗等為君長自是歲來朝貢明帝永平中哀牢王柳貊遣子率種人內屬其稱邑王者七十人戶五萬一千八百九十四南去洛陽七千里明帝以其地置哀牢博南二縣今雲南越嶲之西割益州郡西部都尉所領六縣後漢六縣謂不韋雋唐北蘇葉榆耶龍雲南並今雲南越嶲之西合為永昌郡即今雲南郡始通博南山渡蘭倉水華陽國志曰博南縣

西山高三十里越之得蘭倉水行者苦之歌曰漢德廣開不賓渡博南

越蘭津渡蘭倉為他人哀牢人皆穿鼻儋耳儋丁其渠

帥自謂王者耳皆下肩三寸人庶則至肩而已土地沃

美宜五穀蠶桑染綵文繡蘭干細布華陽國志曰蘭干織

成文章如綾錦有梧桐木華績以為布廣志曰梧桐有白者剽國有桐

木其華有白毳取幅廣五尺潔白不受垢汗先以覆亡

人然後服之其竹節相去二丈名曰濮竹出銅鐵鉛錫

金銀光珠博物志曰光琥珀水精瑠璃軻蟲蚌珠孔雀

翡翠犀象猩猩貊獸山海經云猩猩知人名據華陽國志曰永昌郡有猩猩能言取其血

可以染朱罽荀卿子曰猩猩能言笑淮南萬畢術曰婦終知來猩猩知往注云並神獸也後魏酈元注水經云

乾隆十二年校刊 邊防三

武平郡封溪縣有獸名猩猩猿形人面身毛黃姿顏端正善學人語聞者無不酸楚太原土網著傳云阮研曾使封溪見邑人說猩猩好酒及履里人置之山谷常行路數百為羣見酒物等知人設張取之此獸甚靈先知其人祖父姓名而嘗酒及飲乃甘其味逮半醉皆擒之無遺逸遂置罇中隨其所欲飼之將烹索其肥者乃自推擇泣而遣之又禮記曰猩猩能言廣志云猩猩唯聞其啼不聞其言出交趾郡封溪縣按前代永昌郡即今之雲南郡武平郡即今之安南府並封畧之內古謂其靈而智不囚人教而解人語殊為珍異秦漢以降天下一家即嶺南獻能言鳥及馴象西域獻汗血馬皆載之史傳以為奇物復廣異聞聲教遠覃如越裳白雉之類故彰示後代則猩猩不劣於鳥象何為獨無獻乎獲之以充口實則致之固難也王莽置漢孺子於四壁中禁人與語及長不能名六畜猩猩若非靈異自解人語即須因教方成又不可容易而為庖膳也是知諸家所說不加考覈遞相祖述耳佑以為廣志尤足徵矣血染朱罽徧問胡商元無此

永昌太守鄭純為政清潔化行夷人

與哀牢夷人約邑豪歲輸布貫頭衣二領鹽一斛為常賦夷俗安之○大唐麟德元年五月於昆明之檉棟川置姚州都督府每年差兵募五百人鎮守武太后神功二年閏十月蜀州刺史張柬之表曰姚州者古哀牢之舊國本不與中國交通前漢唐蒙開夜郎滇笮而哀牢不附至光武季年始請內屬漢置永昌郡以統理之稅其鹽布氊罽以利中土其國西通大秦南通交趾奇珍進貢歲時不闕及諸葛亮五月渡瀘收其金銀鹽布以益軍儲使張伯岐選其勁卒以增武備前代置郡其利頗深今鹽布之稅不供珍奇之貢不入而空竭府庫驅

率平人受役夷蠻肝腦塗地漢以得利既多歷博南山
涉蘭倉水更置博南哀牢二縣蜀人愁怨行者作歌蓋
漢得其利人且怨歌今於國家無絲髮之利在百姓受
終身之酷往者諸葛亮破南中使其渠帥自相統領不
置漢官亦不留鎮守臣竊以亮之策妙得羈縻蠻夷之
術今姚府置官既無安邊靜寇之心又無諸葛且縱且
擒之術唯知詭謀狡筭恣情割剝貪婪劫掠以積爲常
扇動會渠遂成朋黨提挈子弟嘯引兇愚今見散在彼
州專以掠奪爲業姚州本武陵縣主簿石子仁奏置之
後長史李孝讓辛文協並爲羣蠻所殺又使將軍李義
總往征郎將劉惠在戰陣死其州遂廢卽諸葛亮稱置
官留兵有三不易之言遂驗垂拱四年南蠻郎將王善
寶昆州刺史爨乾福又請置州奏言所有課稅自出姚
府管內更不勞擾蜀川及置州後錄事叅軍李稜爲蠻
所殺延載年中司馬成琛請於瀘南置鎮七所遣蜀兵
防守自此蜀中騷擾於今不息伏乞省罷姚州使隸雋
府歲時朝覲同之蕃國瀘南諸國悉廢瀘北置關百姓
非奉使入蕃不許交通來往疏奏不納

焦僥

焦僥國後漢時通焉明帝永平中西南夷焦僥貢獻安

帝永初中永昌徼外焦僥種夷陸賴等三千餘口舉種
內附獻象牙水牛封牛其人長三尺穴居善游鳥獸懼
焉其地草木冬落夏生

禪國

禪音擅國後漢時通焉和帝永元中其國王雍由調遣譯
奉國珍寶和帝賜金印紫綬安帝永寧初復遣使朝賀
獻樂及幻人能變化吐火自支解易牛馬頭又善跳丸
數乃至十自言我海西人海西即大秦也禪國西南通
大秦明年元會安帝作樂於廷封雍由調爲漢大都尉

西爨

西爨者南寧之渠帥梁時通焉自云本河東安邑人七
葉祖事晉爲南寧太守屬中原亂遂王蠻夷梁元帝時
南寧州刺史徐文威徵詣荆州有爨瓚者遂據南寧之
地延袤二千餘里俗多華人震翫統其衆○大唐武德
初拜翫子孔達爲昆州刺史令持其父屍歸葬本鄉段
綸又遣俞大施至南寧諭之由是部落歸欵三年七月
遣使來貢方物

昆彌

昆彌國一日昆明西南夷也在爨之西洱河爲界卽葉
榆河其俗與突厥略同相傳云與匈奴本是兄弟國也

漢武帝得其地入益州部其後復絕諸葛亮定南中亦所不至。大唐武德四年雋州治中吉弘使南寧至其國諭之至十二月遣使朝貢貞觀十九年四月右武侯將軍梁建方討蠻降其部落七十二戶十萬九千三百

尾濮

尾濮漢魏以後在興古郡今雲南郡地西南千五百里徼外

其人有尾長三四寸欲坐輒先穿地為穴以安其尾尾折便死居木上食人俗又噉其老者唯識母而不識父俗有賓客殺老以供厨故賓婚有日老者必泣其地有稷及陸稻多鹽井饒犀象有弓矢革鎧以赤猱猴皮垂

錫珠翡翠為冠幘按木濮即尾濮也又扶南土俗傳云

人人皆有尾長五六寸其俗食人按其地並西南蒲羅其尾濮之地名

木綿濮

木綿濮有木綿樹多葉又生房甚繁房中綿如蠶所作

其大如捲音拳

文面濮

文面濮其俗劓面而以青畫之劓音讒

折腰濮

折腰濮其俗生子皆折其腰

赤口濮

乾隆十二年校刊

邊防三

三五

赤口濮在永昌南其俗折其齒劉其脣使赤又露身無衣服

黑熨濮

黑熨濮在永昌西南山居耐勤苦其衣服婦人以一幅布為裙或以貫頭丈夫以穀皮為衣其境出白蹄牛犀象琥珀金桐華布又諸濮之域皆出楛矢爾雅曰南至於濮鉛周書王會卜人丹砂注云卜人西南之蠻丹砂所出今按卜人蓋濮人也按諸濮與哀牢地相接故附之

松外諸蠻

松外諸蠻大唐貞觀末為寇遣兵從西洱河討之洱音貳

其西洱河從嵩州西千五百里其地有數十百部落大者五六百戶小者二三百戶無大君長有數十姓以楊李趙董為名家各據山川不相役屬自云其先本漢人有城郭村邑弓矢矛鋌言語雖小訛舛大畧與中夏同有文字頗解陰陽歷數自夜郎滇池以西皆云莊蹻之餘種也其土有稻麥粟豆種獲亦與中夏同而以十二月為歲首菜則葱韭蒜菁果則桃梅李柰有絲麻女工蠶織之事出純絹絲布幅廣七寸以下早蠶以正月生二月熟畜有牛馬豬羊鷄犬飯用竹筍搏之而噉羹用象杯形若鷄彝有船無車男子以羶皮為帔女子純布

通典卷第一百八十七

為裙衫仍披氈皮之帔頭髻有髮一盤而成形如髻阻
反男女皆跣至於死喪哭泣棺槨襲斂無不畢備三年
之內穿地為坎殯於舍側上作小屋三年而後出而葬
之蠡蚌封棺令其耐濕父母死皆斬衰布衣遠者至四
五年近者二三年然後即吉其被人殺者喪主以麻結
髮而黑其面衣裳不緝唯服內不廢婚嫁娶妻不避同
姓其俗有盜竊殺人淫穢之事酋長即立一長木為擊
鼓警眾共會其下強盜者眾共殺之若賊家富強但燒
其屋宅奪其田業而已

文化甲子

